



## ՀԵՌՈՒՄՏԱՏԵՍՈՒԹՅԱՆ ԵՎ ՌԱԴԻՈՅԻ ՀԱՆՁՆԱԺՈՂՈՎ

### ՈՐՈՇՈՒՄ

20 մայիսի 2026 թվականի թիվ 56-Ա

ք.Երևան

#### **«ԹԻՎ 1 ՀԵՌՈՒՄՏԱԸՆԿԵՐՈՒԹՅՈՒՆ 2020» ՍՊ ԸՆԿԵՐՈՒԹՅԱՆ ՆԿԱՏԱՎԱԲ ՎԱՐՉԱԿԱՆ ՏՈՒՅԺ ԿԻՐԱՌԵԼՈՒ ՄԱՍԻՆ**

Հեռուստատեսության և ռադիոյի հանձնաժողովն (այսուհետև՝ նաև՝ Հանձնաժողով), ուսումնասիրելով 2026 թվականի ապրիլի 06-ին իր նախաձեռնությամբ հարուցված թիվ 12 վարչական վարույթի նյութերը, *պարզեց*.

Հանձնաժողովը «Տեսալսողական մեդիայի մասին» օրենքով (այսուհետև՝ նաև՝ Օրենք) իրեն վերապահված վերահսկողական գործառույթներն իրականացնելիս հայտնաբերել է Օրենքի պահանջի առերևույթ խախտման հատկանիշներ, այն է՝ «ԹԻՎ 1 ՀԵՌՈՒՄՏԱԸՆԿԵՐՈՒԹՅՈՒՆ 2020» ՍՊ ընկերության (այսուհետև՝ նաև՝ Հեռարձակող) կողմից իր 2025 թվականի հասույթի գոյացման բացվածքը և չափի վերաբերյալ տեղեկությունը մինչև 2026 թվականի ապրիլի 01-ը Հանձնաժողով չներկայացնելը:

2026 թվականի մարտի 02-ին Հանձնաժողովը Հեռարձակողների և ցանցային օպերատորների ղեկավարներին է հասցեագրել թիվ Ե/04/04.1/166-26 գրությունը Օրենքի 19-րդ հոդվածի 3-րդ մասի պահանջների կատարման անհրաժեշտության մասին:

Հեռարձակողը նշված գրության վերաբերյալ որևէ պատասխան չի ներկայացրել:

Հանձնաժողովը, ղեկավարվելով «Վարչարարության հիմունքների և վարչական վարույթի մասին» օրենքի 30-րդ հոդվածի 1-ին մասի «բ» կետով, 2026 թվականի ապրիլի 06-ին Հեռարձակողի նկատմամբ հարուցել է թիվ 12 վարչական վարույթը և 2026 թվականի ապրիլի 07-ի թիվ Ե/04/04.1/252-26 գրությամբ ծանուցել է Հեռարձակողին՝ հայտնելով, որ հարուցված վարչական վարույթի վերաբերյալ կարող են ներկայացնել իրենց պարզաբանումներն ու բացատրությունները:

Հեռարձակողը հարուցված վարչական վարույթի վերաբերյալ ևս որևէ պարզաբանում և բացատրություն չի ներկայացրել:

*Հանձնաժողովի հիմնավորումները (պատճառաբանությունը) և եզրահանգումը.*

*Վարչական վարույթի բազմակողմանի, լրիվ և օբյեկտիվ քննության, ձեռք բերված ապացույցների ուսումնասիրության և գնահատման արդյունքում Հանձնաժողովն արձանագրում է.*

Համաձայն Օրենքի 1-ին հոդվածի 4-րդ մասի՝ սույն օրենքը Հայաստանի Հանրապետությունում տարածվում է տեսալսողական մեդիաձառայություն մատուցողների, օպերատորների, կարգավորող պետական մարմնի և հանրային տեսալսողական մեդիաձառայություն մատուցողի գործունեության կառավարումն ապահովող և հսկողություն իրականացնող մարմնի վրա:

Օրենքի 3-րդ հոդվածի 1-ին մասի 1-ին և 23-րդ կետերի համաձայն՝

1) տեսալսողական մեդիաձառայություն մատուցող՝ (այսուհետ՝ Հեռարձակող, լսողական մեդիաձառայություն մատուցող՝ Լսողական ծրագրեր հեռարձակող) Հայաստանի Հանրապետության հիմնադրած կազմակերպություն կամ կարգավորող պետական մարմնի հեղինակագործ ֆիզիկական կամ իրավաբանական անձ, որը կազմում և սպառողին է ներկայացնում տեսալսողական տեղեկատվություն և խմբագրական պատասխանատվություն է կրում տեսալսողական արտադրանքի բովանդակության համար:

23) հեղինակագործում կարգավորող պետական մարմնի կողմից ֆիզիկական կամ իրավաբանական անձին Հեռարձակողի կարգավիճակ տրվող փաստաթղթի տրամադրում:

Օրենքի 19-րդ հոդվածի 3-րդ մասի համաձայն՝ Հեռարձակողները և օպերատորները պարտավոր են յուրաքանչյուր տարի մինչև ապրիլի 1-ը կարգավորող պետական մարմին ներկայացնել նախորդող տարվա հասույթի գոյացման բացվածքը և չափի վերաբերյալ տեղեկություն:

Ուստի Օրենքով սահմանված նորմերի պահանջները պարտադիր են մեդիա ոլորտում գործունեություն իրականացնող բոլոր տեսալսողական մեդիաձառայություն մատուցողների և օպերատորների համար:

Օրենքն ուժի մեջ մտնելուց հետո՝ 2020 թվականի օգոստոսի 07-ից սկսած, յուրաքանչյուր տարի Հանձնաժողովը հեռարձակողներին պաշտոնապես տեղեկացնում է Օրենքի վերոնշյալ պահանջի կատարման մասին, չնայած նրան, որ ոչ Սահմանադրությամբ և ոչ էլ տեսալսողական մեդիայի բնագավառը կարգավորող օրենսդրությամբ Հանձնաժողովը նման օրենսդրական պարտավորություն չունի:

Հատկանշական է, որ Հեռարձակողը 2021 թվականի փետրվարի 03-ից հանդիսանում է Հանձնաժողովի կողմից լիցենզավորված իրավաբանական անձ ճեղհեղինակագործման վկայագրի սերիան, համարը՝ ՀՎ № 040, որոշման ամսաթիվը՝ 03.02.2021թ. Ը:

Հանձնաժողովն արձանագրում է, որ Օրենքով Հեռարձակողների և օպերատորների համար պարտավորություն է սահմանված՝ յուրաքանչյուր տարի մինչև ապրիլի 01-ը Հանձնաժողով ներկայացնել նախորդող տարվա հասույթի գոյացման բացվածքը և չափի վերաբերյալ տեղեկություն, սակայն Հեռարձակողը չի պահպանել Օրենքի դրույթի պահանջը՝ դրանով իսկ խախտելով Օրենքի 19-րդ հոդվածի 3-րդ մասի պահանջը:

Հեռարձակողը պետք է հաշվի առնի, որ օրենքներով հստակ սահմանվում են իրավական նորմեր, որոնց չպահպանելն առաջացնում է իրավական հետևանքներ, և ի թիվս այլնի, Հեռարձակողը պատասխանատվություն է կրում տեսալսողական մեդիայի բնագավառը կարգավորող օրենսդրության պահանջների կիրարկման ապահովման համար: Վերոգրյալը բավարար հիմք է հանդիսանում Հանձնաժողովի կողմից Օրենքի դրույթներով սահմանված իրավախախտումն արձանագրելու և Հեռարձակողի նկատմամբ վարչական պատասխանատվության միջոց կիրառելու համար:

Հանձնաժողովն արձանագրում է նաև, որ 2026 թվականի ապրիլի 06-ին Հեռարձակողի նկատմամբ հարուցված թիվ 12 վարչական վարույթի վերաբերյալ 07.04.2026թ Ե/04/04.1/252-26 գրությամբ ծանուցումը 30.04.2026թ. և վարչական վարույթի քննարկման վերաբերյալ 12.05.2026թ., թիվ Ե/04/04.1/340-26 գրությամբ ծանուցումը 12.05.2026թ. «Վարչարարության հիմունքների և վարչական վարույթի մասին» օրենքի 29.1-րդ հոդվածի 14-րդ և 15-րդ մասերի դրույթների պահանջի համաձայն տեղադրվել են Հայաստանի Հանրապետության հրապարակային ծանուցումների պաշտոնական ինտերնետային կայքում: Համապատասխանաբար՝ վարույթի հարուցման մասին Հեռարձակողը պատշաճ

ծանուցված է համարվել 04.05.2026թ.-ին, իսկ վարույթի քննարկման մասին՝ 17.05.2026թ.-ին:

*Այսպես, հիմք ընդունելով Օրենքի դրույթները և ձեռք բերված փաստերն՝ արձանագրում ենք.*

Վերը նշված իրավական հիմքերը բավարար են Հանձնաժողովի կողմից Օրենքի դրույթներով սահմանված իրավախախտումն արձանագրելու և Հեռարձակողի նկատմամբ պատասխանատվության միջոց կիրառելու համար:

Վերոգրյալի համատեքստում Հանձնաժողովը ևս մեկ անգամ արձանագրում է, որ Հեռարձակողի համար Օրենքի 19-րդ հոդվածի 3-րդ մասով պարտավորություն է սահմանված յուրաքանչյուր տարի մինչև ապրիլի 1-ը կարգավորող պետական մարմին ներկայացնել նախորդող տարվա հասույթի գոյացման բացվածքը և չափի վերաբերյալ տեղեկություն:

Օրենքի 32-րդ հոդվածի 1-ին մասի 11-րդ կետի համաձայն՝ կարգավորող պետական մարմինը՝ Օրենքի խախտման կամ իր որոշումները չկատարելու դեպքում կիրառում է պատասխանատվության միջոցներ:

Օրենքի 55-րդ հոդվածի 1-ին մասի համաձայն՝ կարգավորող պետական մարմնի կողմից տեսալսողական մեդիայի բնագավառը կարգավորող օրենսդրության պահանջների խախտման դեպքեր հայտնաբերվելու, ինչպես նաև պետական այլ մարմինների կողմից իրենց իրավասությունների շրջանակում տեսալսողական մեդիայի բնագավառը կարգավորող օրենսդրության պահանջների խախտման դեպքեր հայտնաբերվելու և դրանց մասին կարգավորող պետական մարմին գրավոր տեղեկացվելու դեպքում կարգավորող պետական մարմինը կիրառում է հետևյալ վարչական տույժերը.

- 1) գրավոր նախազգուշացում.
- 2) տուգանք.
- 3) հեղինակագործման կամ լիցենզիայի գործողության կասեցում.
- 4) հեղինակագործման կամ լիցենզիայի գործողության դադարեցում:

Օրենքի 57-րդ հոդվածի 28-րդ (Օրենքի՝ 28.04.2026թ. խմբագրությամբ՝ 57-րդ հոդվածի 38-րդ) մասի համաձայն՝ կարգավորող պետական մարմին նախորդող տարվա հասույթի գոյացման բացվածքի և չափի վերաբերյալ տեղեկություն չներկայացնելը՝

առաջացնում է տուգանքի նշանակում՝ սահմանված նվազագույն աշխատավարձի հարյուրապատիկի չափով:

*Միաժամանակ Հանձնաժողովի 13.05.2025թ. թիվ 51-Ա որոշմամբ Հեռարձակողը վարչական պատասխանատվության է ենթարկվել Օրենքի 57-րդ հոդվածի 28-րդ մասի համաձայն: Վարչական տույժ կիրառելու հիմք է հանդիսացել Հեռարձակողի կողմից Օրենքի պահանջի խախտման փաստը՝ նախորդող տարվա հասույթի գոյացման բացվածքի և չափի վերաբերյալ տեղեկություն չներկայացնելը:*

Օրենքի 57-րդ հոդվածի 31-րդ (Օրենքի (28.04.2026թ. խմբագրությամբ) 57-րդ հոդվածի 41-րդ) մասը սահմանում է.

«Սույն հոդվածի 2-30-րդ (Օրենքի (28.04.2026թ. խմբագրությամբ) 2-41-րդ) մասերով սահմանված հիմքերով վարչական տույժի ենթարկված անձի կողմից մեկ տարվա ընթացքում նույն խախտումը կրկնելը՝

առաջացնում է տուգանքի նշանակում՝ կիրառված տույժի եռապատիկի չափ»:

*Քննարկվող համատեքստում արձանագրում ենք, որ Հեռարձակողը մեկ տարվա ընթացքում կրկնել է նույն խախտումը՝ նախորդող տարվա հասույթի գոյացման բացվածքի և չափի վերաբերյալ տեղեկություն չներկայացնելը, որը համապատասխանում է Օրենքի 57-րդ հոդվածի 31-րդ (Օրենքի՝ 28.04.2026թ. խմբագրությամբ՝ 57-րդ հոդվածի 41-րդ) մասի հատկանիշներին:*

Ելնելով վերոգրյալից, հիմք ընդունելով «Տեսալսողական մեդիայի մասին» օրենքի 19-րդ հոդվածի 3-րդ մասը, 32-րդ հոդվածի 1-ին մասի 11-րդ կետը, 55-րդ հոդվածի 1-ին մասի 2-րդ կետը և ղեկավարվելով Օրենքի 57-րդ հոդվածի 28-րդ և 31-րդ (Օրենքի՝ 28.04.2026թ. խմբագրությամբ՝ 57-րդ հոդվածի 38-րդ և 41-րդ) մասերով՝ Հեռուստատեսության և ռադիոյի հանձնաժողովը

**Ո Ր Ո Շ Ե Ց**

1. «ԹԻՎ 1 ՀԵՌՈՒՄՏԱԸՆԿԵՐՈՒԹՅՈՒՆ 2020» ՍՊ ընկերության նկատմամբ կիրառել «Տեսալսողական մեդիայի մասին» օրենքի 57-րդ հոդվածի 31-րդ (Օրենքի՝ 28.04.2026թ. խմբագրությամբ՝ 57-րդ հոդվածի 41-րդ) մասով սահմանված վարչական տույժը՝ տուգանելով կիրառված տույժի եռապատիկի՝ 300 000 (երեք հարյուր հազար) ՀՀ դրամի չափով:

2. Սույն որոշումն ուժի մեջ է մտնում այն «ԹԻՎ 1 ՀԵՌՈՒՄՏԱԸՆԿԵՐՈՒԹՅՈՒՆ 2020» ՍՊ ընկերությանը պատշաճ ձևով հանձնելու օրվան հաջորդող օրվանից:

3. Սույն որոշումը կարող է բողոքարկվել հեռուստատեսության և ռադիոյի հանձնաժողով կամ ՀՀ վարչական դատարան՝ ուժի մեջ մտնելու օրվանից երկամսյա ժամկետում:

**ՀԵՌՈՒՄՏԱՏԵՍՈՒԹՅԱՆ ԵՎ ՌԱԴԻՈՅԻ  
ՀԱՆՁՆԱԺՈՂՈՎԻ ՆԱԽԱԳԱՀ**

**Տ. ՀԱԿՈՒԲՅԱՆ**

20 մայիսի 2026թ.  
ք. Երևան